

## 09.03 MARELLA

---

### L'assassinat da Maria Catrina Derungs da Trun



El garegia ella. Ella sa lascha surmanar. Ella vegn en speranza e pretenda ch'el maridia ella. El na vul betg, ed uschia mazza el ella. El vegn sentenzià a la mort, quai sco ultima persuna en il Grischun. Uschia sa laschass il cas da Giachen Condrau Spescha, l'assassin da Maria Catrina Derungs, resumar. La «Marella» sa fatschenta cun quest cas criminal succedi a Trun en il 1847, in cas che fiss bunamain i en emblidanza. Nus ans approfondain en las actas, quai per l'ina cun l'agid da l'istoricher Martin Camenisch ch'illustrescha la situaziun etica e politica enturn la paina da mort e per l'autra cun l'autur Rico Tambornino che publitgescha quests dis in roman che sa basa sin il cas da l'assassin Giachen Condrau Spescha.

*Redacziun: Astrid Alexandre*